



Broj: 06-11-717/24
Sarajevo, 15.07.2024. godine

Na osnovu člana 11. stav (1) Odluke o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila („Službene novine Kantona Sarajevo“ broj: 36/20), objavljuje se

JAVNI POZIV **za dodjelu vatrogasnih sredstava za 2024. godinu**

I PREDMET JAVNOG POZIVA

Predmet javnog poziva je dodjela finansijskih sredstava, koja se u skladu sa članom 137. Zakona o zaštiti od požara i vatrogastvu („Službene novine Federacije BiH“, broj: 64/09) prikupljaju u Budžetu Kantona Sarajevo - Kantonalne uprave civilne zaštite Kantona Sarajevo iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila (u daljnjem tekstu: vatrogasna sredstva).

Dodjela vatrogasnih sredstava će se izvršiti iz sredstava koja u skladu sa članom 3. Odluke o uslovima i načinu korištenja finansijskih sredstava iz premije osiguranja imovine od požara i prirodnih sila i sredstava od naplaćene funkcionalne premije osiguranja, koja se odnosi na osiguranje motornih vozila („Službene novine Kantona Sarajevo“ broj: 36/20), pripadaju formiranim dobrovoljnim vatrogasnim jedinicama u dobrovoljnim vatrogasnim društvima na nivou Kantona Sarajevo.

II KRITERIJI I POTREBNA DOKUMENTACIJA

Prijavu na ovaj poziv mogu podnijeti dobrovoljna vatrogasna društva sa područja Kantona Sarajevo, u kojima su formirane dobrovoljne vatrogasne jedinice, koje ispunjavaju sljedeće kriterije:

- a) dobrovoljno vatrogasno društvo mora biti registrovano i imati sjedište na području Kantona, gdje se kao dokaz o istom prilaže rješenje o upisu u registar udruženja;
- b) dobrovoljna vatrogasna jedinica mora biti formirana u dobrovoljnom vatrogasnom društvu, gdje se kao dokaz o istom prilaže rješenje ili drugi odgovarajući dokument kojim se dokazuje da je ista formirana;

c) u sastavu dobrovoljne vatrogasne jedinice mora biti formacija od minimalno deset vatrogasaca i vatrogasaca-vozača sa položenim ispitom za dobrovoljnog vatrogasca, gdje se kao dokaz o istom prilaže ovjerena izjava odgovornog lica u dobrovoljnom vatrogasnom društvu sa spiskom pripadnika te jedinice;

d) u sastavu dobrovoljne vatrogasne jedinice mora biti minimalno jedan vozač-vatrogasac koji posjeduje vozačku dozvolu "C" kategorije, gdje se kao dokaz o istom prilaže ovjerena fotokopija vozačke dozvole;

e) u sastavu dobrovoljne vatrogasne jedinice mora biti minimalno jedan komandir koji ima položen ispit za rukovodioca akcije gašenja požara, gdje se kao dokaz o istom prilaže ovjerena fotokopija uvjerenja o položenom ispitu za rukovodioca akcije gašenja požara;

f) dobrovoljna vatrogasna jedinica mora posjedovati:

- 1) minimalno jedno vatrogasno vozilo, gdje se kao dokaz prilaže ovjerena fotokopija saobraćajne dozvole;
- 2) opremu za gašenje šumskih i drugih požara, gdje se kao dokaz prilaže spisak opreme, ovjeren od strane odgovornog lica u dobrovoljnom vatrogasnom društvu;
- 3) prostorije za smještaj ljudi, vozila i opreme, gdje se kao dokaz prilaže dokaz o vlasništvu, ili ugovor o korištenju objekta ili objekata, odnosno drugi odgovarajući dokument kojim se potvrđuje da se objekat koristi u ove svrhe;
- 4) ličnu zaštitnu opremu, gdje se kao dokaz prilaže spisak lične zaštitne opreme minimalno za deset vatrogasaca, ovjeren od strane odgovornog lica u dobrovoljnom vatrogasnom društvu.

Dokazi pod tačkom c) i tačkom f) podtačka 2) i 4) se ovjeravaju samo potpisom i pečatom odgovornog lica u dobrovoljnom vatrogasnom društvu i ne mogu biti stariji od šest mjeseci od dana objave javnog poziva.

Dokazi pod tačkom a), b), d), e) i tačkom f) podtačka 1) i 3) se ovjeravaju kod nadležnog organa (općina ili notar) i ne mogu biti stariji od šest mjeseci od dana objave javnog poziva.

Dokazi pod tačkom a), i b) i tačkom f) podtačka 3) mogu se dostaviti i kao original.

Drugi odgovarajući dokument pod tačkom b), a kojim se dokazuje da je dobrovoljna vatrogasna jedinica formirana u dobrovoljnom vatrogasnom društvu, može uključivati odluku, s tim da se ista dostavlja kao ovjerena kopija, kako je već gore navedeno. Iz dostavljenih dokaza mora biti vidljivo da je ista formirana. Dostavljanje statuta ili izjave od strane odgovornog lica u vatrogasnom društvu, kao dokument kojim se dokazuje da je u okviru dobrovoljnog vatrogasnog društva formirana dobrovoljna vatrogasna jedinica se neće uzeti u razmatranje i kao nepotpuna će se odbaciti.

Prijava na ovaj Javni poziv treba da bude potpisana od strane odgovorne osobe i ovjerena pečatom udruženja i ista treba da sadrži podatke o broju žiro računa i banci na koju će se vršiti uplata vatrogasnih sredstava za dobrovoljno vatrogasno društvo u kojem je formirana dobrovoljna vatrogasna jedinica.

III ROK ZA DOSTAVLJANJE I NAČIN PODNOŠENJA PRIJAVA

Javni poziv ostaje otvoren 10 dana od dana objavljivanja. Isti će biti objavljen na web stranici Kantonalne uprave civilne zaštite kantona Srajevo: <https://kucz.ks.gov.ba/> dana: 16.07.2024. godine.

Krajnji rok za dostavljanje prijava je: 26.07.2024. godine.

Prijave sa dokumentacijom iz tačke II Javnog poziva podnose se Kantonalnoj upravi civilne zaštite Kantona Sarajevo, neposredno na protokol Kantonalne uprave civilne zaštite Kantona Sarajevo, svaki rad dan u terminu od 09:00 do 15:00 sati, ili poštom na adresu Kantonalne uprave civilne zaštite Kantona Sarajevo, ulica Fehima ef.Čurčića br. 1, 71000 Sarajevo.

Prijave se podnose u zatvorenoj koverti sa naznakom „Za javni poziv za dodjelu vatrogasnih sredstava za 2024. godinu“.

Na poledini koverti obavezno navesti:

- naziv podnosioca prijave;
- adresu podnosioca prijave;
- kontakt telefon podnosioca prijave.

Nepotpune, neuredne i neblagovremene prijave neće se uzeti u razmatranje.

IV IZBOR KORISNIKA, OBJAVA REZULTATA I DODJELA SREDSTAVA

Direktor Kantonalne uprave civilne zaštite Kantona Sarajevo, posebnim će rješenjem formirati komisiju od tri člana, koja će razmatrati pristigle prijave i sačiniti prijedlog odluke za dodjelu vatrogasnih sredstava za dobrovoljne vatrogasne jedinice formirane u dobrovoljnim vatrogasnim društvima na nivou Kantona, a koje ispunjavaju uslove u skladu sa objavljenim Javnim pozivom.

Odluku o dodjeli vatrogasnih sredstava dobrovoljnim vatrogasnim jedinicama formiranim u dobrovoljnim vatrogasnim društvima sa područja Kantona Sarajevo, koje ispunjavaju sve uslove tražene ovim Javnim pozivom Kantonalna uprava civilne zaštite Kantona Sarajevo će objaviti na svojoj web stranici: <https://kucz.ks.gov.ba/>.

Vatrogasna sredstva na osnovu ovog Javnog poziva dodjelit će se dva puta do kraja 2024. godine na žiro račun dobrovoljnih vatrogasnih društava u kojima su formirane dobrovoljne vatrogasne jedinice.

V OSTALE INFORMACIJE

Podnosilac prijave snosi sve troškove u vezi sa pripremom i dostavljanjem njegove prijave po ovom Javnom pozivu.

Prijava i dostavljena dokumentacija po ovom Javnom pozivu ne vraća se podnosiocu prijave.


DIREKTOR
Dženan Brkanić